



Broj: 02-02-1-1202-2/23
Sarajevo, 18.12.2023.

N/r Direktora

PREDMET: Poziv bh. kompanijama za učešće na Međunarodnom sajmu namjenske industrije Eurosatory, 17-21.06.2024., Pariz, Francuska

Poštovani,

Vanjskotrgovinska/Spoljnotrgovinska komora Bosne i Hercegovine (VTK/STK BiH), po drugi put organizuje nastup na „Međunarodnom sajmu namjenske industrije Eurosatory“, te Vas poziva da uzmete učešće na zajedničkom štandu Bosne i Hercegovine. Sajam će se održati u periodu od 17-21.06.2024. u Parizu, Francuska.

O sajmu Eurosatory

Sajam Eurosatory predstavlja jedan od najznačajnijih svjetskih sajmova namjenske industrije, a održava se još od 1967. godine svake dvije godine. Na sajmu je 2022. godine na površini od 81.300 m² izlagalo 1743 izlagača iz 62 zemlje, a posjetilo ga je 62.000 poslovnih posjetilaca iz 150 zemalja.

Eurosatory nudi jedinstvenu priliku za upoznavanje proizvođača start-upova iz cijelog svijeta zajedno sa javnim i privatnim akterima na tržištu odbrane i sigurnosti; razmjenu sa najboljim stručnjacima, vladama i njihovim upravama, međunarodnim institucijama i nevladinim organizacijama; prisustvo vrhunskim predavanjima i okruglim stolovima; te mogućnost da steknete uvid u izgled i razvoj sektora.

Na svakom od svojih izdanja, kroz sveobuhvatne, konkretne, inovativne i perspektivne prijedloge, Eurosatory prikazuje više od 500 novih rješenja i svojim institucionalnim i profesionalnim posjetiteljima predstavlja najširu lepezu rješenja i usluga, nudeći im na taj način priliku da unaprijede svoju odbranu.

Usluge VTK/STK BiH

- Administrativne poslove vezane za komunikaciju sa sajamskim organizatorima, popunjavanje aplikacije, registracija bh. kompanija, dostavljanje relevantnih informacija bh. kompanijama vezano za izlaganje
- VTK/STK BiH će za potrebe predstavljanja kompanija zakupiti prostor od 65-75m²
- Obilazak kompanija učesnica i konsalting
- Izgradnja i dizajn zajedničkog štanda
- Organizovanje pripremnog sastanka za nastup na sajmu
- Promocija zajedničkog štanda i izlagača
- Izradit će E- katalog i printani katalog bh. izlagača
- Realizacija nastupa



Troškovi koje snosi VTK/STK BiH

- Dio troškova zakupa neuređenog prostora
- Troškovi konstrukcije štanda (dizajn , izgradnja, transport i uređenje štanda);
- Troškove obaveznog unosa bh. izlagača u katalog sajma
- Troškovi reprezentacije na štandu (struja, catering)
- Troškove marketinških aktivnosti

Kompanije/izlagači će snositi sljedeće troškove

- Učešće u zakupu prostora štanda u fiksnom iznosu od **17.000 KM (+17% PDV)** po kompaniji/izlagaču;
- Troškovi putovanja i hotelskog smještaja za svoje predstavnike;
- Troškovi transporta i špedicije eksponata.

Kriteriji za odabr kompanija – suizlagača:

- Kompanija je proizvođač koji može ponuditi proizvode koji odgovaraju ovom sajmu
- Kompanija ima iskustvo u poslovima izvoza i upošljava barem jednu osobu koja aktivno komunicira na engleskom jeziku;
- Kompanija je strateški opredijeljena za izvoz, te posjeduje adekvatan kvalitet proizvoda, te potrebne dozvole i certifikate;
- **Kompanija je aktivni član VTK/STK BiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj 30/1 i 72/1**
- Kompanija je spremna prisustvovati pripremnom sastanku u organizaciji VTK/STK BiH
- Kompanija se obavezuje da će šest mjeseci i godinu dana nakon nastupa dostaviti follow-up vezan za rezultate nastupa

Molimo Vas da, ukoliko ste zainteresirani da izlažete na štandu Bosne i Hercegovine i prihvatate navedene uslove, popunite **priloženu prijavu** i dostavite je putem e-maila: aida.vidimlic@komorabih.ba **najkasnije do četvrtka 28.12.2023. godine**

Potpisana i ovjerena **četiri originalna primjerka Sporazuma o reguliranju obaveza**, potrebno je **obavezno poslati i poštom na adresu VTK/STK BiH, Branislava Đurđeva 10; 71000 Sarajevo.**

Za više informacija o učešću na sajmu **Eurosatory'24**, kontakt osoba je **Aida Vidimlić** (tel.033 566 233)

Nadajući se Vašem interesu za učešćem u izlaganju na sajmu **Eurosatory'24** te očekujući prijavu Vaše kompanije uz potpisan i ovjeren Sporazum, ostajem

S poštovanjem



DIREKTOR
Enes Ališković